

puniendos, adiutores quoque et ministros raptorum ignibus concremandos et conciliatorum ac mediatorum tanti facinoris plumbo liquenti atque ferventi ora damnanda. Nec ullo modo illam, quae se raptam esse conqueritur, excusari posse, quae se nec dormituram custodire studuit nec vocibus vicinorum solatia atque auxilia flagitavit. 5 Quod mirabiliter divinæ legi consonat, ubi puella desponsata, si ab aliquo in civitate oppressa fuerit, lapidibus obrui iubetur, quia non clamavit, cum esset in civitate, ubi vel concursu civium vel subsidio domesticorum poterat liberari²⁵¹. Unde et beata illa Susanna laudatur, quam parentes eius, cum essent iusti, erudierant secundum legem 10 Moysis: Quia cum lavaretur sola in pomario viri sui, non solum iniquis senibus non praebeuit assensum adulterii, sed etiam voce magna exclamavit, ut famuli domus audirent et succurrerent atque ita ab impiorum impietate protegeretur, sicut et factum est²⁵².

CAPUT VI. Sed et tam sanctum atque inviolabile voluit esse lex dei 15 foedus et vinculum nuptiarum parentali auctoritate et legitima postulatione initiatum, ut puellam desponsatam etiam ante copulam nuptiarum uxorem eius, cui desponsata est, esse confirmet dicens: *Si²⁵³ puellam virginem desponderit vir et invenerit eam aliquis in civitate et cubuerit cum illa, educasⁱ usque ad portam civitatis illius, et lapidibus 20 obruentur, puella, quia non clamavit cum esset in civitate, vir, quia humiliavit uxorem proximi sui*. Inde est, quod etiam in evangelio de beata et gloriosa dei genitrice Maria, cum esset desponsata Ioseph, dicitur illi per angelum: *Ioseph²⁵⁴ fili David, noli timere accipere Mariam coniugem tuam*. Et in Osea propheta, si puellae desponsatae 25 ab aliis violatae fuerint, adulterae nuncupantur dicente domino: *Non²⁵⁵ visitabo super filias vestras, cum fuerint fornicatae, neque super sponsas vestras, cum adulteraverint*. Vos^k autem raptores et oppressores ac violatores lex dei latronibus et homicidis comparat et interfici iubet, ubi de puella, quae in agro violenter oppressa fuerit, loquitur 30 dicens: *Sin²⁵⁶ autem in agro vir repererit puellam, quae desponsata est, et apprehendens concubuerit cum illa, ipse morietur solus, puella nihil*

j) educes utrumque Si.

k) Hos Si.

251) Vgl. Deut. 22,24.

252) Vgl. Dan. 13,24.

253) Deut. 22,23–24.

254) Matth. 1,20.

255) Osea 4,14.

256) Deut. 22,25–27.